

AKASHVANI AIZAWL
REGIONAL NEWS BULLETIN
HEADLINES (MORNING)

1. Ramchhunga state hrang hrang Goods and Services Tax dinhmun tarlanah Mizoram GST chu nikum 2025 June thla chhunga khawn aiin kumin June ah za zela 4 in a pung.
2. Vawiin hi MNF Founder President Pu Laldenga thih champha vawi 36 na a ni a. MNF party chuan tukin khan Aizawl Treasury Square a Pu Laldenga thlanah amah sunna leh zahna lantirin hun an hmang.
3. Enforcement Directorate chuan Myanmar atanga inthuruuala kuhva tawlh leh sum chhehrelh chungchangah Mizoram, Assam, West Bengal leh Uttar Pradesh-ah hmun 20 an dap..
4. FIFA World Cup 2026 khelk mekah nizan khan Round of 16 inkhelah Spain chuan goal khatin Portugal an hneh.

<><><>

GST

Ramchhunga state hrang hrang Goods and Services Tax dinhmun tarlanah Mizoram GST chu nikum 2025 June thla chhunga khawn aiin kumin June ah za zela 4 in a pung.

Ministry of Finance tarlan danin India ram chhiah khawnna atan July 2017 atangin GST hman anih hnuah rampum huapa GST khawn chu a pun belh zel a, kumin 2025 June thlaah Mizoram chuan GST atangin cheng vbch 15 a hmu a, Union Finance Ministry sawi danin nikum June thla nena tehkhinin a punna hi 4% a ni.

Ministry of Finance tarlan danin nikum September 22 atangin Goods and Service Tax (GST) chhiah thil chi hrang 375 ah tih hniam a ni a. Kumin June hma chuan State tin te GST head (CGST,SGST, IGST) an hmuhte tar chhuah vek a ni a, June 2026 atangin SGST atanga hmuh chiah state khawn khawm anga tar chhuah anih tak avangin State zawng zawng GST khawn hniam angin a lang a, atakah erawh a hniam lo a ni.

Hetihlai hian India ram pumpuiah Nikum June 2025 thlaa khawn aiin kumin June 2026 thlah cheng vbch ₹ 23,707 in a pung a, a punna 13.9% a ni.

Nikum June nena khaikhinin Mizoram GST 4% a pun laiin hmarchhak state thenkhat Nagaland leh Arunachal Pradesh chu Minus 3 ve ve an ni.

<><><>

CM

Chief Minister Pu Lalduhoma'n mihring nuna zar peng rah lo lai sah thlak chu a rah tam zualna tur ani tih sawiin mitin insiamthatna hun a awm tih a sawi.

Synod Prison Ministry-in Pathianni-a Central Jail leh Central Women Jail-a hun an hman a telpuina ah he thu hi sawiin Pu Lalduhoma chuan Jail tangte chu mahni nuna zar peng rah lo sat thla ngam a, chhelna leh tumruhna hun hmang turin a chah a, mihring nunah zar peng rah lo lai sah thlak chu rah tam leh zualna tur anih thu a sawi.

Chief Minister hian Central Jail hi a vawi khat tlawhna a ni a, Jail dinhmun hrang hrang a enkual nghal a, Tun dinhmunah Central Jail-ah tang 880 an awm mek a, mi 823 an inkhawm a, Central Women Jail-a tang 135 zinga 124 an inkhawm a ni.

<><><>

LIVESTOCK INSURANCE

National Livestock Mission behchhana Animal Husbandry and Veterinary department leh National Insurance Company (NIC) thawhhona hnuaia Animal Insurance kalpui mekah ran 4,675 ziah luh a ni tawh a; ran thite tan insurance sum cheng nuai 20 sing 3 sang 6 pek a ni tawh.

NIC hotute hnen atanga Akashvani News Aizawl thudawn danin, kumin February ni 10-a tlangzarh tâk Animal Insurance-ah hian tun thla ni 3 thleng khan district 11 atangin ran vulhtute'n an ran vulh lai 4,675 chu insurance an tihsak tawh a; ran insure-te chu Aizawl district-ah tam berin ran 2,457-ah insurance tih tawh niin, ran 522 insurance tih sakna Hnahthial district-in a dawt. Lawngtlai district-ah ran insurance tih tawh hi 41 awmin, a tlem berna district an ni.

Ran insurance hi vawk, bawng, sial, kël leh beram tan tih theih a ni a; tun dinhmunah vawk hi district tinah insurance tih sak awmin, a vaiin vawk 4,651 insure tawh a ni a; Aizawl, Lunglei, Serchhip, Mamit leh Saitual district-ahte bawng 15 insurance tih tawh niin, Lunglei district-ah kel 9 insure tawh a ni bawk.

((VOICE CAST - Insurance hi ran len dan azirin pek tur a ni a; vawkah Rs 7,200 - 24,000 inkar, bâwng leh sialah Rs 14,000 - 48,000 inkar leh, kël leh beramah Rs 1,680 - 5,600 inkar pek theih a ni. Insurance tih tawh rante hi an lo thih palh a, ran vulhtuten kim taka insurance pawisa dilna atana kim taka lehkha pawimawh thil tel ngaite nen insurance an dil a nih chuan NIC lam hian a rang thei ang bera chingfelin ran vulhtute bank account-ah pawisa an pe tur a ni a; NIC hian ni 15 chhunga an chingfel hman lo a nih chuan ran vulhtute hnena sum an pek tur hi 12%-in a pung dawn a ni.)))

<><><>

STA

State Transport Authority (STA) chuan MizoTaxi app-a inziak lut lirthei chuan mipui mamawh a phuhruk zawh dawn loh avangin mipui mamawh khawp lirthei a awm theih nan hmalak mek a ni a ti.

STA hian hriattirna tichhuakin, Mizorama mihring phur sumdawnna lirtheia chuang thinte'n sorkar bituk chuan man (approved rate) dik tak an chawi theih nan MizoTaxi app duan a nih thu leh lirthei neitute leh mipuite'n tangkai taka an hman an beisei thu an tarlang a ni.

Tun dinhmunah MizoTaxi app hnuaia inziak lut chin chu two wheeler taxi 624, four wheeler taxi 235 leh auto rickshaw 15 a ni a, hei hian Aizawl khawpui mamawh a phuhru dawn lo, niin STA chuan a sawi a ni.

State Transport Authority chuan MizoTaxi kaltlanga taxi leh autorickshaw hmang duhte chuan an indaih dawn rih lo a, hrethiam hram turin mipui a ngen an ti a, mipui mamawh tur khawp lirthei a awm ngei theih nan a rang lamin hmalak mek zel a ni, an ti a; sorkar thuawiha MizoTaxi app hnuaia lirthei inziak lut zawng zawng chungah an lawm thu an tarlang bawk.

Hetihlai hian lirthei hmanga eizawng pawl pathum- Mizoram Taxi Association (MTA), Aizawl Two Wheeler Taxi Association (ATTA) leh Aizawl District Auto Rickshaw Owners' Association (ADAROA) intelkhawmte erawh chuan MizoTaxi App chu hmang duh loin High Court-ah khin an tum thung a; heng pawl 3-te hian MizoTaxi app an hman duh loh chhan hrang hrang zingah rate ennawn hmasak an duh thu te, registration fee awm lo se tih leh app hmangtu mipuiten chhiah za a 6 an chawi tur te a tel a, sorkar hnenah pawh an thlen tawh a ni.



LALDENG A

Vawiin hi MNF Founder President Pu Laldenga thih champha vawi 36 na a ni a. MNF party chuan tukin dar 7 khan Aizawl Treasury Square a Pu Laldenga thlanah amah sunna leh zahna lantirin hun an hmang.

Pu Laldenga thlana pangpar dahna hunah hian MNF President leh Pu Laldenga fanu Dr. Renee Lalrinzuali ten thu an sawi a, Mizo hnam tana Pu Laldenga hnathawh hrang hrang tarlan niin khawvela Mizo hnam pholangtu anih thu an sawi a ni.

Voicecast

Pu Laldenga hi kum 1927 July 11 khan Lunglei Pukpui khuaah a lo piang a, kum 1944-ah British Indian Army zawmin Kum 1959-ah Mizo National Famine Front chu a hova din niin, chu pawl chu October 22, 1961-ah Mizo National Front (MNF) tiin thlak a ni.

Kum 1966 March ni 1 ah zalenna sual tanin, Thalai rual tam tak te nen kum 20 chhung zalenna an sual hnuin mizo mipui, kohhran leh tlawngai pawl, zirlai

pawl leh political party hrang hrangte ngenna avangin, June 30, 1986 ah India sorkar nen Remna Thuthlung an zia fel a, state puitling nih hnua Mizoram Chief Minister hmasa ber a ni.

Kum 1990 khan Memorial Sloan Keterring Cancer Centre New York, USA ah thla 3 a awm hnua kum 1990 July ni 7 a thi a, Aizawla lak niin July ni 13 ah State Funeral pein sawrkar chawimawina famkim nen vuiliam a ni.

<><><>

AGRI MINISTER

Agriculture & Farmers' Welfare Minister leh Mizoram Agricultural Marketing Board Chairman ni baw Pu PC Vanlalruata chuan Tuirial Airfield-ah Sawhthing leh thlai dang dahthatna leh sawngbawl na hmun tur vawiin khan a tlawh a.

Tuirial-ah hian sawhthing dahna atan Godown leh a sawngbawl na tur processing unit te bun a nih theihnan chak takin sawrkar chuan hma a lak mek a. Tunah hian a panna tur bypass road siamna atan pawisa Vaibelchhe 5 chuang dah a ni tawh a ni. Chief Minister duhdan angin sawhthing tharchhuah leh hun hmaa peihfel hman tura hmalak mek a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

SMUGGLING

Enforcement Directorate chuan Myanmar atanga inthuruala kuhva tawlh leh sum chhehrelh chungchangah Mizoram, Assam, West Bengal leh Uttar Pradesh-ah hmun 20 an dap. Guwahati ED Zonal Office hmalakna in Prevention of Money Laundering Act(PMLA),2002 tlawchhanin heng hmunte hi dap a ni a. Agency chuan kuhva tawlhruk leh dan kalha chhiah pumpelh chungchang Assam-a FIR thehluh bawhzuina zel anih thu an sawi a. ED te sawidanin inthlunzawmna tha tak hmangin heng kuhva te hi tawlhruk a ni a. Mizoramah a supplier awmin , Assam-ah a kawng lo sialtu an awm leh a, West Bengal leh Uttar Pradesh atangin sum lama puitu leh a phurhkualnaa lo buaipuitu an awm bawk a ni. Heng kuhva tawlhurutute hian Myanmar atanga kuhva lalutin Champhai-Zokhawthar kaltlangin ramchhungah an phurlut a. GST invoice lem hmangete, firm lem leh transport document lem hmangetin heng kuhvate hi an tawlhru niin ED chuan a sawi. An chhuinaah lehkha pawimawh, khawl thil leh sum cheng vaibelchhe 1 leh nuai 30 chaung hu an hreng mek a. Bank account 33 an hren sak bawk a. Heng smuggler te hian khawpuiah hmun hrang hrangah in hmun lo ram leiin an sum an hmang thin tih an tarlang bawk.

<><><>

PM TOUR

Prime Minister Narendra Modia chaun ni hnih cham turin Indonesia a thleng a. Jakarta Airport ah Indonesian President Prabowo Subianto chuan a lo hmuak a. Social Media lamah Pu Modia chuan kum 2018 khan India leh Indonesia ten an thawhdunna chu Comprehensive Strategic Partnership ah an hlangkai tih a tarlang a. Hei hian ram pahnih mipuite tan hlawkna tam tak a thlen a ti bawk.

A cham chhungin Pu Modia hian Indonesia President nen inkawmin ram pahnih thawhdunna hrang hrangte an sawidun ang. Indonesia a tlawh zawhah hian Australia ah tun thla ni 8 atanga ni 10 chhung a cham leh ang a. Hemi hnu hian New Zealand a pan leh ang.

<><><>

WC

FIFA World Cup 2026 khelk mekahnizan khan Round of 16 inkhel ngaihven hlawh ber pawlah Spain-in goal khat faiin Portugal an hneh a. Minute 91 ah Spain tan Mikel Merino chuan chakna goal a thun a ni. Tunah hian Belgium leh a thlengtu USA an intum mek a. Zanin dar 9.30 ah Argentina leh Egypt an inkhel bawk ang.

<><><>